



Ис Н

с 47

о





5

Papier

BREF ADVER-
TISSEMENT AUX
deputez des Estats.

M. D. LXXXVIII.

GREEN ADVER

XV THE NEWBERRY
LIBRARY

LIBRARY

Case


F

39

326

158868

M.D.LXXXIII



BRIEF ADVERTISSE- ment aux deputez des Estats.



ES ESTATS ayans esté instituez non seulement en ce Royaume, mais en toutes les Monarchies & Souuerainetez, pour ramener & remettre toutes choses qui peuuent estre alterees par la longueur & iniure du temps, corruptele des hommes, ambition & cupidité d'aucuns, & par l'effrence insolence & felonnie des autres, à leur entiere & premiere perfection, autant que l'infirmité humaine le peut porter: Il est plus que requis que ceux qui sont auourd huy conuiez & appelez à ceste assemblée des Estats, se representent deuant les yeux les maux que les troubles de tant d'annees ont apporté à ce Royaume, de combien il est decheu de son ancienne splendeur & dignité pour l'aneantissement & mespris du seruice de Dieu, la desobeyssance enuers le Roy, & pour la corruption des mœurs de la plus part du Royaume plain de degats & vastitez: ne se trouuant contree ny quanton en la France, qui ayt peu s'exempter de ceste calamité vniuerselle, pour raison de laquelle les finances de sa Maieité sont espuisées, & les moyes de conseruer cy apres son autorité & reputation, tant

4
enuers les voisins, qu'à l'endroit de ses subiects
du tout teriz& consommez: en somme l'estat tel-
lement attenué& affoibli, qu'il semble l'esperan-
ce de salut nous estre tóbee des mains, si ce n'est
par la bonté & toute-puissance de Dieu. Mais
d'autant qu'il luy plaist se seruir & vser du mini-
sters de ses creatures en la direction & cōduicte
des affaires du monde, & que de tout temps nous
auons eu apres luy recours à la conuocation des
Estats, comme le seul & vray moyen & ressource,
qui se doit recercher en l'extremité de noz mal-
heurs: le principal deuoir & office de ceux qui
receuront cét honneur d'estre employez par le
choix & election qui sera faicte d'eux, est de rap-
porter tous leurs conseils, desseins & volonteiz à
la seule restauration de ce Royaume, tant en son
chef qu'en tous les membres. Et d'autant que les
pertes & fautes sont aduenues, & qu'il reste à les
amender & reparer moyennant l'aide de Dieu,
sans laquelle noz actions sont impuissantes &
inutiles, nous deuôs protester plus auât du cœur
que des leurs, q̄ nostre but est d'establir sa gloi-
re & son saint seruice en vnité & conformité de
foy & de creance, renonçans à toutes diuisions
& partialitez, qui ont agité cét estat iusques icy,
& lesquelles, plus longuement tolerees, ne peu-
uent qu'auancer l'entiere euerfio d'iceluy. Qu'il
nous souuienne que nous sommes enfans & fa-
cteurs d'un mesme Dieu, qui est tout vn, rege-
nerez d'un mesme baptesme, enseignez de mes-
me parole, attendans mesme salut & resurrectio
en la beatitude. Et que Dieu nous ayât fait tous
cohetitiers & concitoyens de son bien-heureux,

5
& eternal Royaume. Il a pareillemēt voulu que nous François fussions subiets d'un mesme Roy, luy rendans tous vn respect, fidelité & obeissance, estant tres-certain que sa subsistance & celle de ses subiects sont si estroitement conioinctes en la participation du bien & du mal, que de sa grandeur dépend nostre repos : & au cōtraire de sa foiblesse ne nous pouuōs qu'attendre vne totale ruine, pour la licence que se vendiquerōt ses ennemis par vne trop longue impunité, c'est à nous a procurer de luy remettre son autorité sus, reſtablir les moyens & facultez, acquiter & liberer la foy de luy & de ses predecesseurs, & pour cest effect despouiller toutes les passions que la malice du siecle pourroit auoir imprimées en noz cœurs, captiner noz sens à la resolution commune, y apporter l'esprit de quietude : & pour l'accomplissement & execution des choses arrestees, y offrir & employer les biēs & la vie, si besoing est. Et quand nous y viendrons avecque ceste ferme & saine intention de bien cōseiller, & encores mieux obseruer & faire entretenir ce qui sera conclud, avec protestation de nous declarer ennemis des refractaires, vn chacun en sa charge, qualité & vacation, reformant les mœurs & sa conscience, il ne faut point douter que Dieu ne se rende au milieu de nous, & suivant les speciales graces de singuliere faueur & protection qu'il a de tout temps departies à noz Roys, & à leur courōne, ne face prosperer & florir plus que iamais la France, viure en repos & patience les subiets, & remplisse noz maisons de

toutes especes de benedictions, qui accompagnent ordinairement les peuples, lesquels sont si heureux & bien aduisez que se contenir en la reconnaissance d'un Dieu, d'un Roy, d'une foy, & d'une loy Chrestienne, sous l'obeissance de l'Eglise Catholique, hors laquelle il ny a point de salut.

S'E N S V I V E N T les points & articles con-
cernans le seruice de Dieu & de son Eglise, le
proffit & vtilité du Roy & de la chose publi-
que, selon qu'on a peu estre aduertí par les plain-
tes & doleances communes, ausquels il est be-
soing pourueoir par les moiens que presenteront
auec toute submission & obeissance, & par for-
me de tres-hüble supplication & remóstrance à
sa Majesté les gens tenás les trois Estats, à ce que
le Royaume soit cy apres à la gloire de Dieu, &
repos de son peuple, regi & gouuerné en paix &
tranquilité, les maluersations & fautes reparees,
& le tout reduit & remis en bon ordre & poli-
ce, l'Estat de l'Eglise en sa liberté & splendeur, les
supposts d'icelle instruits en bonnes mœurs, la
iustice qui entretient & fait durer les Royaumes
egallement distribuee à vn chacun, la gédarme-
rie restituée à la vraye & anciéne discipline mi-
litaire, les finances du Roy loyalement departies,
& sans confusió employées aux affaires pour les-
quelles elles ont esté mises sus, & conséquément
le pauvre peuple soulagé de toutes oppressiós &
molestes. Mais d'autát que le fruiet quel'on doit
esperer d'une si grande & notable assémblee,
est que ce qui sera resolu & arresté soit saincte-
ment & inuiolablement executé: suppliront en
premier lieu les Euesques & deputez de l'Estat
Ecclesiastique, qu'il plaise à sa majesté ordonner
qu'il veut & entend que execution soit faite des
chose arrestees pour les Estats, sans quelle puisse
estre retardée pour quelque cause & occasion
que ce soit: Et à cests effect offriront de leur part

tout ce qu'ils ont de biens, moyens & puïssances pour employer à faire obeyr le Roy, & faire garder la conclusion, prinse par lesdits Estats contre tous ceux qui vouldroient entreprendre d'y contreuenir: Et à ceste fin iureront tous lesdits Estats ainsi l'observer. Pourquoy plus tost sera sa Majesté suppliee d'y interposer leur autorité, & tenir pour ferme, constant & irreuocable tout ce qui aura esté conclud, & mesmes asséurer & promettre que l'entiere execution en sera faite, sans que pour autre conseil ou respect en soit aucunement diuertý.

l'Eglise. i.

Premierement, pour raison que tous biēs procedent de Dieu, auquel seul est deüe la gloire, & non à autre sinó en consequence de luy, qui fait regner les Princes, & oste les Royaumes, & en dispose quand & comme il luy plaist, selon que sa toute puïssance est infinie, procureront les Euesques chacun en son diocese, que par toutes les Eglises soit le peuple exhorté à faire son deuoir enuers Dieu, se conuertir à luy, faire contiuelles prieres & oraisons, & faire viure le Clergé, & Religieux à eux subiets en bonne regle & reformation de mœurs, afin que leurs prieres soient plus plaisantes & agreables à Dieu pour acquerrir sa sainte grace, & paruenir à vn repos par vn bon ordre, qui moyennant icelle sera estably en toutes choses.

ii

Item, & pour autant que la foy est le premier & principal fondement de la loy Chrestienne, en laquelle

laquelle l'homme de bien prend vie, & que sans elle impossible est complaire à Dieu, & que le Royaume de France entre tous est loué & décoré de l'excellente vertu de foy, en laquelle le Roy & ses predecesseurs depuis Clouis ont esté baptisez, oincts & sacrez avec condition & serment solénel fait entre les mains des Pairs, Princes, Prelats, Seigneurs & officiers de la Couronne de l'entretenir & faire obseruer par leurs subiets, sans s'en pouuoir distraire, ny permettre qu'il y soit contreuenue, sur lesquelles promesses & observations ils ont esté recongneuz pour Roys, reuerer & obeys de leur peuple, & s'en departans sembleroit que leursdits subiets auroiēt grande occasion de demander d'estre dispencez de l'obeissance, encores qu'ils n'y vouldroyent auoir pensé. La foy pouuons nous dire, l'union & conformité de laquelle a esté la seule cause que ce Royaume a fleuri & prospéré iusques à ces dernières années, pour la manutention & conseruation de laquelle les anciens Roys ont gagné le nom de tres-Chrestien, pour auoir purgé & nettoyé leur Royaume d'heresies, iusques à cestuy mal-heureux temps, qu'aucuns particuliers par vne extreme arrogance voullant apparoir sur les autres, & presumans plus sçauoir que tous leurs maieurs, ont adheré à la pernicieuse doctrine de Calvin, à l'occasion de laquelle toute espee d'impiété, infidelité & cruauté, auroit esté pendant quinze ans perpetree & exercee en ce Royaume, lequel panche au precipice de la ruine, si l'n'y est pourueu par grosses et grandes peines, lesquelles

donnent terreur aux meschans, et les reuoquent de mal. Suppliront tres-humblement lesdits des trois Estats sa Majesté vouloir en premier lieu supprimer tous les Edits extorquez en la faueur delldits heretiques et reuoquer toutes pactions et promesses qu'ils auroient obtenues de luy comme illicites, infames & reprouuees de tout droit diuin et humain: ensemble tout ce qui s'en seroit ensuiuy, de tout entant que besoing seroit, lesdits trois Estats tenans le Roy pour releué. Et vouloir en outre sa Majesté ordonner et enioindre à ses luges proceder cõtre les heretiques comme a esté fait en iustice sous ses predecesseurs Roys auant l'entreprinse desdits heretiques cõtre son estat et bien de son peuple par les moiens ordinaires et conuenables.

3.

Item, et pour autant qu'aucuns Prelats se trouuent coupables ou vehementement soubçonnez d'heresies, lesquels ne sont à souffrir en l'Eglise: lesdits des Estats suppliront tres humblement sa Majesté vouloir escrire au Pape pour adresser son rescrit à aucuns bons et notables personages pour informer et proceder contre lesdits Prelats coupables ou soubçonnez d'heresie: Aussi pour informer contre ceux qui acceptent et se constituent Gardiens des benefices, au profit des personnes non Ecclesiastiques, pour estre dit contre eux que lesdits benefices sont vacans et impetrables pour cause de Simonie ou heresie, sans que eux après la priuation puissent estre capables d'en tenir d'autres.

4

Item, & pour autant que du chef la contagion & pourriture deriue à tout le demeurât du corps sera sa Maiefté tres-humblement suppliee ne se lascher à l'importunité d'aucuns, ny permette estre pourueu ausdictes prelatures de personnes incapables, ains de gens de bien recommandez en doctrine, religion & aage, & contraindre tous Prelats veiller sur leur troupeau & resider suiuant l'ordonnance des Conciles, & n'en dispenser aucuns, encore qu'ils soient employez à ses affaires & pres de sa personne, qu'ils ne soient contrainsts resider six mois pour le moins l'annee.

v.

Item, pour remettre les Abbayes, lesquelles par le passé estoient Colleges de toute pieté à l'honneur de Dieu, edification & consolation du peuple: maintenant sont maisons abandonnees à toute dissolution, pour raison, en partie que les Abbez commandataires n'ont pouuoir de corriger les Religieux de leursdites Abbayes, ou qu'ils sont refusans pour leur particulier profit à fournir ce qui est requis par leur institution & par les fondateurs desdictes Abbayes, attendant que par la voye ordinaire y ait esté autrement pourueu, suppliront lesdicts des Estats sa Maiefté ordonner que les reiglemés qui ont esté tenus entre les Commendataires & Conuents de saint Germain des Prez & de saint Victor lez Paris seront obseruez pour le regard des autres Abbayes, au reglement desquelles seront commis les Vicaires des Euesques & officiers du Roy des lieux, leurs vacations & despeses prin-

ses sur le reuenu desdictes Abbayes.

V I.

Item, & pour autant que le seruice de l'Eglise diminue par deffaut des benefices, qui ne sont promeuuz aux sainctes ordres, & aussi que c'est cōtre droict et raison que celuy qui prend le salaire ne rendre le seruice pour lequel le salaire est ordonné, soit par sa Maiesté déclaré à la requeste desdicts Estats, que tous benefices possédez par personnes aagees de vingt et cinq ans et au dessus, si elles ne sont promeuës aux sainctes ordres dedans l'an de leur possession paisible seront vacans & impetrables, encores que lesdicts benefices soient donnez en commande.

V I I.

Item, et pour raison qu'il est difficile recourir personnes capables au gouuernement des Cures pour le petit reuenu qui est d'icelles et la cherté de toutes choses, de sorte que les Curez tant s'en faut qu'ils puissent avec eux nourrir vn homme d'Eglise, qui en cas de maladie administre aux parroissiens les saincts Sacremens, qu'ils n'ont moyen de soy substanter, vestir et entretenir selon leur qualité, pour avec quelque dignité faire la charge à laquelle ils sont appelez: Suppliront tres-humblement lesdits Estats estre ordonné, que sur les Abbayes, Prieurez, Chapitres et Seigneurs, qui ont droict de percevoir les dixmes, sera telle pension par les Euesques des lieux sur lesdictes dixmes assignee ausdicts Curez, que lesdicts Euesques ingeront estre raisonnable.

V I I I.

Item, sera pourueu sur l'administration des Hofpiraulx, Maladeries & lieux pitoyables par l'Euesque des lieux, qui a sur tous la charge & sollicitude des pauures, & pour lesquels il est spécialement de Dieu ordonné, & non pas par les habitans des lieux, qui par impressiō & crainte nomment personnes au gouuernement desdits lieux pitoyables gēs de guerre ou de iustice, qui appliquēt le bien desdits pauures à leur profit particulier: A la charge toutesfois que celuy qui sera commis par l'Euesque luy rendra compte ou à son Vicaire, le Procureur du Roy & vn notable bourgeois nommé par le Iuge des lieux appelez: par lesquels si ledit administrateur est trouué en faute, sera mulcté du quadruple, & destitué de ladite administratiō, pour y estre pourueu d'vn autre.

ix.

Item, & pour autant que les Vniuersitez sont erigees & instituees pour former la ieunesse à toute vertu & exercicē aux bonnes lettres, qui les rendent capables de congnoistre, aymer & craindre Dieu, honorer & embrasser tout ce qui est commandé de luy, pour avec vne soubsmisiō & reuerance se comporter enuers ses superieurs, & avec vne bonne affection enuers les autres à leur bien & repos, au contraire dequoy la plus grande part tant aujourd'huy par vne mauuaise nourriture, que ladite ieunesse auroit pris esdtes vniuersitez, lesquelles se seroient departies de la discipline anciēne establee & obseruee par nos majeurs: plaira à sa Majesté ordōner que

lesdictes Vniuersitez seront reformees & reduictes à la discipline ancienne, & toutes nouveauttez introduictes depuis le trespas du Roy Loys douziesme abolies.

x.

Item, & pour raison que les Receueurs des deniers octroyez au Roy par le Clergé trauaillent grandement les gens d'Eglises par vne intelligence qu'ils ont avec les sergens, lesquels pour faire profit des saisies, courses & especes de monnoyes, s'estudient à surprendre lesdicts gens d'Eglise, non contents du profit ordinaire de leur recepte: plaira à sa Maiesté promettre à chacun Diocese rembourser lesdits Receueurs des deniers qu'ils ont baillé pour leurs offices, à ce que cy apres au soulagement dudict Clergé les deniers soient leuez comme ils estoient auant l'erection desdits offices: Et sera donnee la recepte au rabais sous bone caution, & à la charge de rendre lesdicts deniers de ladicte recepte la par où il sera ordonné, & sans qu'ils puissent estre raportees à autre vsage, que celuy pour lequel ils seront leuez: Et à ceste fin les commis à la recepte seront contraincts en rapporter bonne quictance à ceux qui les auront commis.

Item, seront aussi les Abbez, & communautz contraincts par toutes voyes deues & raisonnables retenir en leurs greniers vne partie de leurs grains, telle qui sera par le Iuge arbitree, pour empescher que la contree ne tombe en necessité ou famine.

Item, sera ordonné qu'en chacune Abbaye, laquelle aura commodité de leuer & soustenir vn hara pour le bien du Royaume, d'en auoir: Comme aussi sera enioinct à tous autres Princes & Seigneurs de faire le semblable, dont les deniers à ceste occasion ne soient transportez hors le Royaume.

LA IUSTICE.

ITEM, entât que touche la Iustice, qui est celle qui faict regner les Roys, & viure les subiects en paix & tranquillité, quand elle est distribuee à vn chacun sans acception de personnes, & est donnee aux hommes pour garder le foible de l'oppression du puissant, & pour conseruer aux grands leurs estats & richesses en seureté à l'exaltatiō des bōs, crainte & terreur des mauuais, qui sont les fruiets & effects d'icelle, aussi de l'opposite en sont les euenemēs to^r cōtraires, est requis leuer toutes les occasiōs, qui peuuent empescher qu'elle ne soit bien & sainctement administree.

I.

Premierement que tous subiects du Roy seront contenuz dedās leur ressort & limites, pour estre iugez selon les ordonnances anciēnes des Roys coustume des lieux & loix gardees par noz maieurs: Et que sera donné prouision aux euocatiōs extraordinaires, lesquelles donnent tel trouble à la Iustice, que les parties ne sont souuent appauiures & priuees de tous moyens qu'elles ont à la conseruation de leurs droiets. Et pource que les-

dictes euocations n'auroient iamais esté permises que pour grandes & vrgente occasions, non pour le proffit & interest: d'aucuns particuliers qui abusent de la faueur du Roy, & font que le Roy abuse de la Iustice, & face iniustice à ses sujets. Pourquoy plaira à sa Maiesté ordonner que les Courts de Parlement ne defereront a aucune euocation, qu'elle ne soit fondee en raison portee par les ordonnances.

II.

Item, & pour raison que la facilité des graces, mesmement en crime de leze Majesté diuine & humaine, faiet que les personnes plus souuent & plus temerairement entreprennent telle faute à la subuersion de l'estat de France: Supplirôt tres-humblement les gens des trois Estats sa Majesté estre ordonné que les graces, qui seront accordées cy apres pour raison & sur crime de leze Majesté, specialement pour ceux qui ferôt amas de gens de guerre par le Royaume, ou introduiront estrangers en iceluy, ou ferôt pratiques aufdictes fins avec eux sans l'autorité & experts commandement du Roy, pour le troubler & ses sujets n'aurent force & vertu aucune que pour le temps du Roy qui aura octroyé lesdictes graces, la faculté demourant à son successeur ou son Procureur general en son entier, pour faire proceder contre les delinquans desdits crimes de leze Majesté, comme s'ils n'auoient iamais obtenu grace: Et d'abondant declarer que tous preuenus & conuaincus desdits crimes de leze Majesté, encore que la grace soit verifiée, & lesdicts criminels

criminels rehabitez, ne lairront pour cela de demeurer infames, & serôt leurs vassaux & subiets absoubs de tout deuoir & fidelité enuers eux; sans que le Roy, si ce n'est de leur consentement, les y puisse assuiettir par quelque autre moié que se puisse estre: comme aussi ordonner que lesdits criminels la moitié des biens sera confiscée à sa Majesté, & l'autre deuolue au plus proche heretier d'iceux non complice ou participant audit crime, sans que le Roy puisse priuer ledit heretier de sadite moitié, comme à luy ia acquise par ledit crime.

Item, que les ordonnances faites sur les iuremens & blasphemés, serôt renouuèlees & estroitement gardees.

Item, que pour les grands inconueniens qui sont adueuuz par les commissions extraordinaires baillees à aucuns nonobstant appel, qui est vne euocation, comme dir est, des iurisdicções ordinaires, encorés que les commissaires soient de cour souueraine, & de la prouince, serôt lesdites commissions néantmoins nulles, et de nul effect, si ce n'est pour le regard des grands iours & chābres des vacations, lesquelles seront continuées d'an en an, pour pouruoir aux violances & empeschemens, qui sont donnees aux Iuges ordinaires des prouinces, & aussi pour faire que lesdits iuges ordinaires facent bien & fidelement leurs charges.

Item, & pource que frustratoire chose seroit auoir bonnes loix & ordonnances, sil n'y a aussi bons & vertueux personages pour les exceuter: & qu'il est trop commun que les offices de iudicature sont tellement venales, qu'elles sont baillees au plus offrant, sans auoir esgard aux merites des personnes, qui est chose contraire à la iustice; laquelle sur tout requiert estre purement traitée: & tant quelle a ainsi esté administree en ce Royaume, spécialement à Paris, qui est le liect de la iustice, & cour des Pairs de France, par les Conseillers & ministres d'icelle, le Royaume a esté si honoré, que non seulement les subiets, mais aussi les infideles & estrangers autresfois y ont soubzmis leurs differens; d'où vne grande partie s'en retire, & vient à la force au grand trouble de tout l'estat. Pour & à quoy pourueoir, plaira à sa Maiesté oster & prohiber la venalité de toutes offices de iudicature, & faire entiere-ment garder les ordonnances sur ce faites.

Item, est besoin de pouruoir à la multitude effrenée des iuges, qui vient grandement à la charge des finances du Roy, oppression des subiets, & contemnement de la iustice, & le nombre des officiers reduire au temps du Roy Loys douzième, par bons & louables moyens, & ordonner que toutes suruiuances soient supprimees, ensemble les promesses & reserues, dons d'offices, ou benefices, comme tres-dangereuse, captatoires & insidieuses à la vie des hommes. Et pareillemēt les dons des amandes & confiscations auant qu'el-

les soient elcheüs & adiugees.

V I I.

Item, que suiuant l'institution des courts de Parlement, & conuentions passees auecques le Roy, ne soient les offices de Conseillers & Presidés des Enquestes, affectez par ladite institution, à personnes Ecclesiastiques, donnez à gens laiz, & vouloir sa Majesté ordonner que si aucuns laiz exercent de present lesdites offices, qu'ils se ferôt d'Eglise, ou les resigneront à gens d'Eglise: à faute dequoy il soit ausdites offices pourueu par sa Majesté de personnes Ecclesiastiques.

V I I I.

Item, que nul ne tiendra deux offices ou estats en mesme temps, & qu'il sera enioint à celuy qui en a deux, dedans certain temps s'en deffaire d'un: apres lequel tēps, s'il se trouue encores chargé des deux, seront tous les deux vacans & imetrables, excepté les offices qui de leur institution & ancienne coustume se peuuent ou doiuent tenir ensemble.

I X.

Item, que tous officiers ayans gages du Roy se contenteront de leurs gages, honneurs & profits ordinaires, sans pension aucune dudit Seigneur ny d'autre, sur peine de priuation de leurs offices: attendu que lesdites pensions viennent à la diminution des finances du Roy, & consequemment à la charge du peuple, & n'en est de rien mieux la iustice traittee & exercee.

X.

Item, que les procureurs du Roy feront toutes

diligences de faire tenir au moins trois fois l'an les Mercuriales és Cours de parlemens, pour retenir vn chacun en office, & de quoy ils seront chargez, aduertir sa Majesté.

X I.

Item que és cours souueraines ne soient soufferts deux parens ou alliez en degré prohibé, pour les pratiques & menees qui sy font au trouble de la iustice : mais soient transferez d'une court à autre, si mieux les derniers receuz esdites cours n'ayment résigner leursdites offices au proufit d'autres. Et que pareillemét au conseil du Roy n'y ait point tât de parens, qui sont ordinairement vniz & intelligés ensemble, pour faire tomber toutes choses à leur deuotion, proufit & aduancement d'eux, & des leurs, côme il se voit par chacun iour.

X I I.

Item, & pour autant qu'une grande partie du trouble, qui est en la iustice, prouiet de la chancelerie, laquelle pour bonnes & grandes raisons a esté appelée anciennement l'Officine & boutique d'equité, & maintenant seroit la source & mere d'iniquité à raison des surprises qui sy font tant pour les graces qui sy dépeschét cõtre toute iustice, que pour les euocations extraordinaires qui sy pratiquent contre les ordonnances, & autres mandemens qui sont le plus souuent dérobez, ausquels par autres contraires lettres conuient souuent déroger au scandale & mespris de sa Majesté, confusion & ruine de ses pauvres sujets: lesdits des trois Estats suppliront le Roy vou-

loir ordonner, en reprenant l'institution de ladicte Chancellerie, que des huit Maistres des Requestes instituez avec Monsieur le Chancelier, deux par cartier luy assisteront, toutesfois & quantes que ledit Sieur Chancelier voudra seeller, & sans lesquels il ne pourra seeller aucunes lettres de iustice. Et à ceste fin sera enioinct auxdits Maistres des Requestes estans en quartier, & non à autres, signer lesdictes lettres en queue, auxquelles sans ladicte signature les Iuges ordinaires & Courts de parlemens n'auront aucun esgard: Et de toutes les lettres en estre fait vn bon & fidele registre: lequel lors qu'il sera remply soit porté & mis en garde à la Chambre des Cōtes, ou petite Chancellerie de Paris.

Item, sera pourueu aux sumptueux habits & despēces excessiues de tous estats, & baillies particulièrement bornes & limites de despences à vn chacun, qu'il ne puisse passer, le reduisant à raison honneste selon son degré & dignité & oster la grande confusion qui y est, laquelle a donné occasion de faire croistre & augmenter les gages & pensions & aux gentilhommes de demander au Roy des dons immenses & insupportables, & par aucuns faire exactions & pilleries sur le peuple, & aux autres abuser de leurs charges, comme aussi à toutes personnes tēdres à dissolution: dont est besoing faire cesser les causes par toutes voyes & manieres, avec inionctions bien estroictes, & sur grandes peines aux Iuges des Prouinces de faire garder les ordonnances

qu'il plaira à sa Majesté pour ce regard faire. Et que doresnauant soit fait ordonnance que chacun ne puisse porter habillemens sinon que des manufacteurs faites dedans le Royaume, à celle fin que l'argent ne soit transporté ailleurs pour choses inutiles, & que les suiets s'accoustument à trauailler à ce qui est necessaire pour leur vsage, sans l'aller mandier de leurs voisins.

XIIII.

Item, & pour autant que de tout temps & par l'institution de la France nul edict ne doit estre recogneu pour edict au preiudice des anciennes loix & ordonnâces de la Frâce, s'il n'est premierement verifié par les Pairs de France, & en la court de Parlement de Paris, qui est dite la court des Pairs, contre laquelle institution neantmoins auroit esté procedé à la publicatiō d'aucuns edicts, sans prendre aduis desdits Pairs, ny de ceux de ladite cour de Parlement, au trouble de tout l'estat de France. Suppliront lesdits des trois Estats sa Majesté vouloir tous lesdits edits publiez sans ladite forme estre reiettez & anulez, & par mesme moyen ordonner, en reprenant ce qui est de ladite institution desdits Pairs, qu'il soit à eux rapporté ce qui a esté par ladite institution remis à eux, selō & ainsi qu'il pourra estre par lesdits des trois Estats plus amplement esclarcy, sans qu'autre court à peine de nullité puisse entreprédre sur eux: aussi vouloir reduire le nōbre des Pairs laiz comme les autres ordres officiers de la couronne & de sa Majesté au nombre & institution ancienne.

DE LA GENDARMERIE.

ITem, & pour autant que l'establissement des Royaumes & Republiques depéd en partie de la discipline & force militaire, laquelle est de present si deprauee, que au lieu de l'honneur ancien & bon ordre qui y souloit estre, pour lequel ceux qui estoient receuz meritoient estre appelez gens d'ordonnances, & se reputoit bien heureux le Gétil-homme d'y auoir place d'archer, ou d'homme d'armes, & de present pour le desordre & confusio qui y est, dont les maux en sont trop notoires, tous gens de bien ont honte d'entrer esdites ordonances ayman mieux viure en leurs maisons que avec gens mal conditionnez : dont est aduenu que le Roy a esté contraint appller à son seruice & deffense les estrangers, lesquels à l'exemple des dessusdits mal complexionnez ont pillé & robbé tout le Royaume : pourquoy est requis & tres-necessaire, qui voudra garder ce Royaume d'vne entiere ruine & subuersion, remettre ladite discipline militaire, & ordonnances sus.

1.

Premierement suppliront tres-humblement sa Majesté lesdits des Estats vouloir bailler aux gés de guerre Capitaines & Lieutenans gens d'age & d'honneur, longuement nourriz & experimétez à la guerre, lesquels ou l'un d'eux facent continuele residée en leurs garnisons, pour dresser & instruire leurs cōpagnies à toute vertu & hô-

neur, sans souffrir que nul d'icelles pillent & rā-
connent.

II.

Item, & pour faire cesser lesdites pilleries, en donnant prouision ausdits gens de guerre pour payement de leurs gages & soldes, afin qu'ils n'ayent plus couleur de s'abandonner au pillage, seront iceux payez sur les deniers de la taille, qui sont octroyez par le peuple à cét effect, sans que les generaux ou autres commis au maniment des finances les puissent conuertir & appliquer à autres affaires quelconques, que les thresoriers des guerres ne soient entierement assignez.

III.

Item, que seront extraictes les ordonnāces du Roy pour la discipline des gens de guerre, pour en charger chacun chef de compagnie, afin qu'il les garde, & face estroitement garder à ceux qu'il a en sa grace.

IIII.

Item, que nul Gentil-homme soit exempt de l'arrierban, sil n'est des ordonnāces, encore qu'il marche sous la cornette du Roy, ou de son Lieutenant general, pour les abuz qui y sont cōmis & fautes qui ensuiuent : & aux cas neantmoins reseruez & portez par les anciennes ordonnāces du Roy.

V.

Item, que les compagnies seront remises au nombre ancien, attendu que le nombre excessif d'icelles vient à la diminution des finances du Roy, & foule de son peuple, pour raison que les

partitions des compagnies font aussi multiplication des chefs : l'estat desquels & recôpense double souuent ce qui est deu à leurs gens d'armes, qui ne sont de qualité requise.

VI.

Item que tous gouuerneurs particuliers en chacun Bailliage , Preuosté ou Seneschaucée qui ne sont de place frontiere soient reuozquez pour estre lesdits Bailliages & Seneschaucees regis par leurs Baillifs Seneschaux estans de qualité requise soubz le Gouuerneur de la prouince , qui sera institué pour trois ans seulement, pour commander en sa prouince, à laquelle ayant bien serui sa Majesté l'emploira au gouuernement d'autres prouinces selon l'importance d'icelles, & le merite des personnes : le temps duquel expiré sera à la requeste du Procureur du Roy informé par commission de la court, adressée à l'un des Baillifs , ou Lieutenant dudit gouuernement , des actions & deportemens dudit gouuerneur : & les informations serôt enuoies au Roy, & copies d'icelles aux courts de parlement , où resortissent lesdits gouuernemens generaux pour estre procedé en iustice contre eux si faire se doit.

VII.

Item que nul gouuerneur, pendant qu'il fera sa charge de gouuerneur, ne pourra au dedans de son gouuernement contracter mariage pour luy ou les enfans, nepueuz ou niepces, acquerir pour soy ou les dessusdits aucunes possessions, ny accepter esdits noms aucuns benefices , ny dons de

la part de ceux qui sont de sondit gouuernemēt, a peine de nullité, & d'estre dit à iamais incapable de tenir charge publique, où audit cas ne se trouueroit chargé en iustice, pour estre procedé extraordinairement contre luy.

VIII.

Item, que nulle personne pourra retenir deux charges & offices : à fin qu'il demeure au Roy plus de moyens de contenter & recongnoistre le seruice de ses bōs seruiteurs. Et aussi afin que les charges soient mieux faites, sera vn chacun tenu d'y vaquer en personne, & y resider actuellemēt.

IX.

Item, que toutes personnes, comme dit est, se contenteront des charges qu'ils ont, aux priuileges, gages & honneurs qui accompagnent lesdites charges, sans prendre aucune pension de sa Majesté, laquelle ne laisse a estre sollicitée de recompense, comme si aucune pension n'estoit donnée.

X.

Item, & pour raison que toutes personnes, mesmement les Gentils-hommes faisans professiō de vertu, doiuent estre conduits au seruice du Roy & du public par vn deuoir, & pour acquerir à eux & à leur posterité vne heureuse memoire d'auoir bien fait, & en rapporter vne enseigne, qui monstre la preuue de leur proüesse, qui à ceste fin auroit esté proposée à tous vertueux cheualiers par les Roys, & seroit à present negligee, pour auoir esté prostituée à vn nōbre infini de person-

nes sans valeur & sans merites, de sorte que nul aujourdhuy n'a autre fin de son seruice que le profit, lequel neâtmoins est aussi propre à corrompre les bons, que à entretenir les meschans à mal, & lequel cessât, cesse aussi le seruice, à la diminution de la Couronne de France. Suppliront lesdits gens des Estats sa Majesté vouloir à l'exemple de ses predecesseurs Roysempeschez d'une pareille confusion faire vn nouuel ordre, auquel il ne recoiue que gens de la qualité & vertu, desquelles estoient recommandez ceux qui premierement ont esté receuz lors que leurs ordres ont esté erigees.

xi.

Item, soit ordonné, pour mettre borne aux auarices & effrenees cupiditez d'aucuns, ayans charge à la suite & seruice du Roy, que nulle personne estant au seruice de sa Majesté, puisse acquerir plus de dix mil liures de rente, à peine d'estre conuaincu de peculat: si ce n'est par dons que sa Majesté luy aye fait, verifiez en la chambre des Comptes. Et que personne estant au seruice du Roy ne puisse receuoir, dons ne bien-faits d'autres que de sa Majesté.

DES FINANCES.

Item, & pour autant qu'il est vray semblable q la pl^e part des fautes nō seulement de la gendarmerie, mais de plusieurs autres qui font le seruice du Roy, & de tous estats, procede du faict des finances du Roy: par ce que ceux qui en ont le gou-

D ij

uernement les appliquent à leur profit particulier, & ne sont les officiers & gendarmerie payez, les enuitallemens des places, & toutes charges ordinaires entretenues: à quoy est grand besoin de pourueoir, pour le bien de la chose publique.

I.

Premierement qu'il soit fait vne exacte recherche par les thresorerie, & generalitez de Frâce, pour scauoir la forme qui a esté tenue aux alienations du domaine du Roy, les deniers qui en ont esté desboursez, & par qui, combien se montent les fruits receuz par les acheteurs, pour estre pourueu cõtre ceux qui en ont abusé: & à ceste fin suppliront tres-humblement sa Majesté lesdits des Estats vouloir eniendre aux courts, au ressort desquelles sõt lesdites thresorerie, de cõmettre bons & notables personages à faire lesdites recherches: & ordonner que les amèdes & adiudications faictes & donnees contre eux, sortiront en son acquit: sans qu'il en puisse autrement disposer: & que pour l'aide & secours que les Estats feront au Roy tant pour le raquist de ses debtes, rachapt de son domaine, que subuention à ses affaires, les deniers en serõt maniez par gens nommez & deputez par lesdits Estats, & employez à l'effect destiné, et non ailleurs, sans que les financiers s'en puissent mester, desquels par cy deuant y a eu tant de plainctes pour leur mauuais mesnage et dispensation des finances du Roy.

II.

Item, que tous dons et taxations excessiues

qui ont esté faites et assignees sur les finances du Roy, soient reduits à mesure, et le trop receu recouuert : et reuoker toutes les abolitiōs des cōptables, et que sans auoir esgard à icelles, soient contraints tous cōptables rēdre compte : car par lesdites abolitions on descouuira plusieurs parties reconurables, qui ne viennent à cōgnoissance, et lesquelles viennent au grand dommage du Roy et de la chose publique.

I I I.

Item, que toute les parties faites depuis vingt ans soient examinez, & procedé contre ceux qui ont fait allouer au Roy plusieurs faulses debtes, à leur profit particulier, au dommage du Roy & de la chose publique.

I I I I.

Item, que toutes gabelles, tailles, aides, domaine, & autres biens affectez à la couronne de France seront de nouveau baillees à ferme par les iuges des lieux & autres officiers au plus offrant, les deputez des trois Estats de la prouince, en laquelle sont lesdits biens situez, appelez, à ce qu'il ne soit commise aucune fraude, & iusques à ce que le Roy soit acquité. Et où il se trouueroit qu'il y eust, ou auroit en monopole à la deliurance desdites fermes par collusions & intelligence d'aucuns des officiers avec les preneurs, seront les coupables puniz & chastiez.

V.

Item, que les estrangers ne pourront estre fermiers des fermes du Roy, ny des benefices, ny s'immiscer aucunement au maniment des finan-

ces de France, pour le trāsport qu'ils en font hors le Royaume & billonnage qui court le plus souuent par entre eux. Et que les François estans en charge & en l'estat du Roy ne pourront trāsporter leurs deniers hors le Royaume pour les mettre à profit en pays estranger : cōme s'ils auoient plus de recours & seureté ailleurs qu'en leur patrie, sur peine de confiscation de leurs biens.

V I.

Item, & pour autant que l'immensité des douaires & assignation d'iceux au profit de personnes qui ne demeurent au dedans du Royaume, non seulement vient à la diminution des finances du Roy & charge de son peuple, mais au gast & degradatiōs des beautez & valeurs des lieux ainsi assignez, sera ordonne que lesdits douaires serōt reduits & assignez selō & en la forme & coustume ancienne de la France.

V I I.

Item, que les officiers des finances soient reduits au nombre ancien sous le Roy Loys douziesme, & tous intendans supprimez.

V I I I.

Item, qu'il soit estroitement deffendu à tous Receueurs generaux, & autres ayans administration des finances du Roy, ensuiuant les anciennes ordonnances, d'appliquer les deniers de leur charge à autre vsage qu'ils ne sont destinez, & que sans billonner ils payent leurs assignez en mesmes especes qu'ils les auront receuz, & pour le mesme pris : & leur prohiber tout faiēt de marchandise, party ou banque, qui

est cause du recullement desdits assignez.

MOYENS D'ACQVITTER le Roy.

ITem, & pour autant qu'il est tres-necessaire pour oster la confusio & le desordre qui est par la France, & pour paruenir à vn repos par la reformation que les Estats se promettent de sa Majesté, restituer au Roy les moyens affectez à luy & à sa Couronne pour la conseruation d'icelle & de ses subiets en ce qui leur est propre & peculier, sans plus estre troublez en la iouyssance de leurs biens, retirer le domaine, tailles & aides, pour iceux estre employez & conuertiz par sa Majesté aux vsaiges ausquels ils sont affectez.

I.

Premierement, & à raison que de l'espergne & substance de son peuple attenué des troubles & guerres ciuiles, ne peut estre pourueu à vn entier & prompt recouurement des choses de sa couronne alienees, lesdits des trois Estats suppliront tres-humblement sa Majesté soy vouloir contenter du rachar & degagemens de ses villes closes, forteresses, forests, peages, tailles, aydes & chasteaux, esquels sa Majesté pourra faire seiour, & qu'elle affectera, pour du tout autre bié estant dudit domaine en estre fait vente à perpetuité. C'est à sçauoir ce qui est en Baronnie au dernier quarante, en Chastellenie au denier trente & ce qui est de moindre qualité au dernier vingt & cinq. Et seront les creanciers du Roy tenuz pré-

dre en payement lefdites terres à la raison que dessus, au cas qu'il ne se presentast personne qui desdites choses en offrit d'auantage : au lieu desquelles, & pour auecques le temps remettre ledit domaine en sa premiere grandeur, toutes confiscations & amendes des choses mouuantes directement de luy, seront dès à present comme deslors vniz & incorporez audit domaine, desquelles il ne pourra disposer non plus que dudit domaine iusques à plaine compensation & remplacement de ce qui aura esté aliéné.

II.

Item, que de tous benefices vaquans par quelque sorte de vacation que ce soit, seront les fruits de la premiere annee affectee en l'acquit du Roy, les fraiz neantmoins de prouision & prise de possession, ensemble les deuoirs & charges ordinaires legitiment deuz pour raison desdits benefices prealablement prins sur le reuenu de la dite premiere annee.

III.

Item, que de toutes successions, legats & donations le reuenu de la premiere annee, sera aussi affectee en acquit du Roy : sur lequel reuenu sera prins & deduit ce qui est deu en ladite annee, pour raison desdites successions tant aux Seigneurs de fief qu'à autres. Et d'abondant sur ladite premiere annee sera reserué à l'heritier ce qu'il luy est necessaire pour la nourriture & entretenement, au cas que d'ailleurs n'eust moyen de viure. Et à ceste fin luy sera pourueu par le iuge des lieux, les deputez de la prouince appelez, ausquels

ausquels sera enioinct ne cōmettre aucune fraude. Dont estât ledit domaine plus tost retiré, soit le peuple absoubs de telle charge, qui vaudra à l'endroit de toutes personnes, fussent elles du sang de France, lesquelles d'autāt moins en doiuent estre exemptez qu'elles participent plus que les autres aux liberalitez des Roys.

IIII.

Item, & pour raison que les Ducs, Barons, & autres Seigneurs ayans droit de tabellionnage, font fondez en arrests à la conseruation de leur iustice, de ne souffrir en leurs Seigneuries aucun notaire ou sergent Royal pour exercer leursdites offices, sinon en cas de ressort, ou de leur consentement: pourquoy, ledit cas s'offrant, conuient aux pāures subiets, pour passer obligation portant execution, parée avecques grands fraiz rechercher notaires & sergens Royaux: Plaira à sa Majesté pour accommoder lesdits subiets, sans diminution des droits desdits Seigneurs accorder lettres à leursdits notaires & sergens, pour accroistre leur pouuoir, & valider leurs instrumens & exploits, avecques telle force & vertu, comme s'ils estoient faicts & receuz par sergens & notaires Royaux: à la charge que lesdits notaires & sergens financeront à la raison d'une moitié ou d'un tiers de la somme, en laquelle les offices desdits notaires & sergens Royaux voisins sont en taxe, pour icelles sommes conuertir en acquiet des debtes de sa Majesté.

V.

Item, & pour conuier chacune prouince d'en-

trer en moyens de bié tost acquiéter le Roy pour la cotte & portió qu'elle doit porter, & que chacune participe à la charge selon les moyens qui sont par deuers elle, sera fait département des debtes du Roy par les prouincés, lesquelles outre les moyens que dessus, en tiendront tels autres qu'elles iugeront bons à ce faire, desquels pour obuier qu'on en abuse, ou qu'on les vueille continuer à la foule du peuple, seront en chacune desdites prouincés trois bons & solubles personages deputez destrois Estats, pour receuoir les deniers ordonnez & designez en acquiét de sa Majesté: sans que lesdits deputez les puissent rapporter à autre vsage, desquels ils rendront cõpte d'an en an, en tel lieu, & par deuant ceux qui seront nommez par lesdits gens des Estats: & lesdites debtes acquiétées, seront les charges ostées & abolies, & les deputez suppriméz.

Item, que la nature des debtes du Roy sera recherchée, & sera faite distinctiõ des debtes vraies & legitimes, & de celles qui sont simulees & faulses: ensemble des rentes constituées, ausquelles l'on a fait entrer des choses non iustement deuës.

Item, que tous domaines & autres reuenuz du Roy alienez par dons de bien-faits, serõt reuniz à la Couronne sans aucune recompense: & que seulement l'alienation des choses baillees à pris d'argent actuellement desboursé & pour les affaires du Roy & necessitez du Royaume, sera estainte par remboursement.

Item, que tous dons & assignatiōs sur receptes generales faites autrement que pour les choses susdites, seront pareillement reuoquees.

IX.

Item, sera supplié le Roy de commencer la reformation par sa maison & suite de sa court : & que nul n'y soit receu, qui n'y doive actuellement service, & pour le temps qu'il est tenu faire sa charge : & que toutes autres personnes qui ne servent que d'empeschement & surcharge, soient renuoyez en leurs maisons.

X.

Item, qu'il plaise à sa Majesté considerer qu'il n'y a Roy ny Prince en la Chrestienté, qui vueille prédre conseil, & communiquer ses principaux affaires à personnes d'autre religiō que la sienne, & qui ont participation & intelligēce avecques ceux qui troublent son estat : dont sera suppliee d'establir vn bon & saint conseil pres sa personnes de ministres sages, vertueux & Catholiques, & hors de tout soupçon, comme aussi de m'employer seruiteurs ny au dedans ny au dehors le Royaume, qui ne soient de la religion de sadite Majesté : & ordonner que les offices de la Couronne, & autres feront leurs charges selon leur institution, sans qu'on puisse entreprendre sur eux, ny rapporter à autres ce qui est de leur charge.

XI.

Item, que le Preuost de l'hostel fera estroitement garder les ordonnances pour les logis, & paiement des viures & despenses.

MOYENS D'EXECVTER LES

ordonnances des Estats.

Item, & pour raison que frustratoire chose seroit conuoquer & assembler les trois Estats, comme ceux auxquels sa Majesté a entiere & singuliere fiance, pour prendre aduis & deliberation d'eux touchant les choses dessusdites au bien & splendeur de la Couronne de France, si ce qui aura esté proposé, entëdu & debatü avecques grandes & notables raisons par lesdits Estats, n'estoit mis à execution, pourquoy sera requis d'en estre donné les moyens.

I.

Premièrement les Euesques, chacün en son diocèse, & auant que venir en l'assemblée generale des Estats, commanderont à leurs Archidiares visiter à la coustume leurs Archidiacones, pour particulieremēt faire commandemēt aux Doyës ruraux de par ledit Sieur Euesque, d'aduertir tous Curez & Vicaires de leur distrais, de faire vne exacte description de tous les heretiques demeurans au dedäs de leurs parroisses; & designer leur sexe, qualité, aage & moyens: & le semblable estre fait des Catholiques, pour par l'Euesque à l'endroit des vns & des autres estre pourueu à sa descharge, & au bien & deu de leurs consciences & salut de leurs ames.

II.

Item, sera fait pareil commandement ausdits Curez ou Vicaires de bailler par declaration le reuenü de chacune fabrique, pour scauoir comme iceluy reuenü est employé: & neantmoins

iceluy faire sequestrer pour vn an, afin d'employer ledit reuenue en ornemēs & meubles d'Eglise au lieu de ceux qui à l'occasion des troubles ont esté rompuz & robbez: dont icy apres le seruice de l'Eglise soit fait auecques plus de dignité: auquel ce pendant, & pour ledit an seulement, sera pourueu par queste, qui se fera aux festes & Dimanches, & pour subuenir à ce à quoy ladite fabrique estre affectée.

III.

Par lesquels moyens sa Majesté cognoistra de combien ses subiets Catholiques surpassant en nombre, qualitez & moyens les heretiques: & aussi que par là lesdits heretiques soiēt cōtraints ceder en tout & par tout ausdits Catholiques: autrement que chacune prouince par le moyen de quelque leuee de gens de bien faicte par chacune parroisse, soudoiee dudit reuenue desdictes fabriques sous l'autorité du Roy, soit repurgée de l'empeschement qui se presenteroit en icelle de la part des refractaires & contreuenans aux ordonnances faictes sur la resolution desdits Estats: lesquels seront poursuiuis comme rebelles & perturbateurs du repos public, pour en apres tous conioinctement de tous leurs moyens comme dit est s'opposer & rompre toutes telles forces qui se representeroient de leur part.

IIII.

Aussi seront lesdits des trois Estats d'opiniō de prier Monsieur pour la proximité du sang qu'il tient au Roy, & la grande obligation qu'il ya, aussi pour l'interest qui le regarde plus que nul

autre, que ladite Couronne de France ne reçoie aucune diminution, & pour ce vouloir rapporter sa personne, biens & moyens à l'observation & execution desdites choses, selon qu'il luy sera ordonné & commandé par le Roy.

v.

Item, & pour oster le Roy de Nauarre & Prince de Condé de l'erreur & opinion en quoy eux qui les conseillent les ont mis, & les tiennent, & remonstrer audit Sieur Roy de Nauarre, que outre la proximité du lignage qu'il a au Roy, il est Pair de France pour aider à la conseruation du Royaume, & de tous les estats en leurs anciennes loix, moyes & priuileges: Les trois Estats le priërôt se retirer vers le Roy, pour protester de toute fidelité, seruice & obeissance, & faire en tout & par tout ses commandemens. Ce que où ils ne voudroient faire, mais voudroient attenter aucune chose, dont guerre, question au debat peust aduenir au preiudice du Roy & du Royaume: Declareront lesdits des Estats estre tous deliberez & fermes de seruir le Roy à l'encontre d'eux & de tous autres, qui outre la volonté de sa Majesté les voudroient porter & soustenir. Et dès à présent pour lors, & deslors pour maintenant lesdits trois estats, pource qu'ils ne se peuuent pas souuent rassembler, accorderont & consentirôt d'ainsi le faire, où la Iustice par les voyes de ban & proscription, & moyens tant ordinaires que extraordinaires, qu'elle en tel cas garde & obserue, & qui sont cy dessus designez, ne pourroient eux & leur suite reuoquer de telles entreprises.

Item, & pour tenir tous autres moyens, qui pourront estre mis en auant pour l'exécution des dessusdits articles, aussi pour faire sortir effect à d'autres demandes non cotees pour le present cayer, qu'on iugera seruir au bien du Royaume, passeront lesdits Sieurs Euesques, & ceux de l'Eglise, comme aussi feront le semblable ceux desdits deux autres estats, procurations generales es noms de ceux qui seront par eux deputez en l'assemblée generale desdits Estats, pour soy joindre aux demandes, & moyens proposez par les autres prouinces ou aucunes d'icelles, si ils trouuent iceux valoir au seruice de Dieu, bié du Roy & de la chose publique.

Item, & pour faire fin & conclusion esdites matieres, tous lesdits trois Estats seront deliberez & fermes en opinion de remercier Dieu de leur auoir baillé vn si Chrestien, sage, prudent, vertueux & notable Roy, plain de toute volonté & affection, pour reduire tous ses Estats en bon ordre à l'honneur & exaltion de son saint seruice. Et en apres remercieront sa Majesté de l'amour & fiâce qu'il luy a pleu leur monstrier, pour eux & pour tous les autres du Royaume par la communication qu'il luy auroit pleu leur faire de ses grands & vrgens affaires. Ils luy offriront, c'est à sçauoir ceux de l'Eglise prieres & oraisons & tout ce qu'ils pourront faire touchant le seruice diuin. Et en apres tous les autres ensemble, tant Messieurs les Princes, Messieurs de l'Eglise,

Messieurs les Nobles, & gés des Citez & bonnes villes offriront pour eux & tous les autres absens, leurs corps, leurs biens & moyés, & tout ce qu'ils pourront finer : & le seruir & obeyr, en ensuyuant leurs nobles progenitoires & predecesseurs, à l'honneur de Dieu, à la louange & renommee du Roy & du Royaume, & en acquiter leurs loyautez, comme ils doiuent & sont tenuz faire enuers tous & contre tous, sans nul exempter, iusques à la mort inclusiuement.

FIN.

